



নির্বাচন উৎসবমুখর করতে সেনাবাহিনীর সহায়তা অপরিহার্য: প্রধান উপদেষ্টা



সংগৃহীত ছবি

প্রধান উপদেষ্টা ড. মুহাম্মদ ইউনূস বলেছেন, আসন্ন জাতীয় নির্বাচনকে শান্তিপূর্ণ, উৎসবমুখর ও আনন্দময় করার জন্য সেনাবাহিনীর সহযোগিতা অপরিহার্য। বুধবার (আজ) দুপুরে মিরপুর সেনানিবাসের ডিফেন্স সার্ভিস কমান্ড ও স্টাফ কলেজ (ডিএসসিএসসি) অডিটোরিয়ামে আয়োজিত কোর্স-২০২৫ গ্র্যাজুয়েশন সনদ বিতরণ অনুষ্ঠান-এ প্রধান অতিথি হিসেবে যোগ দিয়ে তিনি এই বক্তব্য রাখেন।

ড. ইউনূস বলেন, “দেশবাসীর দীর্ঘদিনের প্রত্যাশিত এই নির্বাচনকে প্রকৃত অর্থে শান্তিপূর্ণ উৎসব হিসেবে রূপ দিতে আমাদের সেনাবাহিনীর সহায়তা একান্তভাবে প্রয়োজন।” তিনি জুলাই গণ-অভ্যুত্থানের সময় সেনাবাহিনীর অবদান স্মরণ করে বলেন, “সেনাবাহিনী সঠিক সময়ে সঠিক সিদ্ধান্ত নিয়েছিল; এ কারণে তাদের ভূমিকার আমি উচ্চ প্রশংসা জানাই।” উল্লেখ্য, এবারের কোর্সে বাংলাদেশ, চীন, ভারত, তুরস্ক, পাকিস্তানসহ মোট ২৪টি দেশের ৩১১ জন তরুণ সামরিক অফিসার অংশগ্রহণ করেন। প্রধান উপদেষ্টা প্রত্যয় ব্যক্ত করেন, কোর্স সম্পন্ন অফিসাররা অর্জিত জ্ঞান তাদের ব্যক্তি ও দেশের সংকটময় মুহূর্তে গুরুত্বপূর্ণ ভূমিকা রাখতে সক্ষম হবেন। অনুষ্ঠানে উপস্থিত ছিলেন সরকারের বিভিন্ন উপদেষ্টা, মন্ত্রিপরিষদ সচিব এবং তিন বাহিনীর প্রধানসহ অন্যান্য উচ্চপদস্থ সামরিক কর্মকর্তারা।